

## SURAT PEKELILING PERKHIDMATAN BIL. 2 TAHUN 1983

Tuan,

KELAYAKAN SIJIL TINGGI PERSEKOLAHAN MALAYSIA  
BAGI MAKSUD PERLANTIKAN KE DALAM PERKHIDMATAN  
KERAJAAN

Adalah saya diarah memaklumkan bahawa mulai daripada tahun 1982 Kerajaan telah mengendalikan sepenuhnya peperiksaan Sijil Persekolahan Malaysia (STPM) mengikut cara sistem terbuka. Dengan itu juga, Peperiksaan STP/HSC yang mengeluarkan Sijil Penuh (Full Certificate) dan sijil Kenyataan (Statement) telah dimansuhkan dan digantikan dengan peperiksaan STPM yang baru. Sebagaimana yang tuan sedia maklum bahawa Sijil Tinggi Persekolahan atau kelayakan yang diiktiraf setaraf dengannya oleh Kerajaan adalah merupakan kelayakan masuk minima yang ditetapkan dalam skim-skim perkhidmatan Kumpulan B.

2. Dalam peperiksaan STPM yang baru sistem penggredan matapelajaran adalah sama seperti penggredan dalam peperiksaan STP/HSC Cambridge iaitu berasaskan Gred A, B, C, D, E, R dan F. Peringkat kelulusan beiasaskan gred ini ialah:

- (a) Gred A hingga E menunjukkan kelulusan penuh (full pass) bagi sesuatu matapelajaran di mana Gred A adalah kelulusan penuh yang terbaik dalam sesuatu matapelajaran manakala Gred E adalah kelulusan penuh yang terendah bagi sesuatu matapelajaran;
- (b) Gred R menunjukkan kelulusan sebahagian (intermediate pass) dalam sesuatu matapelajaran. Dalam peperiksaan STP/HSC dahulu gred ini ialah Gred 0 iaitu kelulusan Subsidiary;
- (c) Gred F menunjukkan kegagalan dalam sesuatu matapelajaran.

Calon-calon yang lulus walaupun dalam satu matapelajaran sahaja adalah berhak mendapat Sijil Tinggi Persekolahan Malaysia.

3. Menmandangkan, terdapat banyak skim-skim perkhidmatan yang mensyaratkan kelayakan masuk minima STP/HSC dan Peperiksaan STP/HSC pula telah dimansuhkan, maka kelulusan STPM yang dapat dianggap sebagai setaraf dengan kelulusan Sijil Penuh STP/HSC bagi maksud perlantikan ke dalam Perkhidmatan Kerajaan adalah ditetapkan seperti berikut:

- (a) Lulus sekurang-kurangnya 3 matapelajaran atas Gred E dan lulus Kertas Am dalam satu peperiksaan STPM; ATAU
- (b) Lulus 2 matapelajaran dan lulus Kertas Am dalam satu peperiksaan STPM dengan syarat kedua-dua matapelajaran yang lulus itu mestilah sekurang-kurangnya mendapat Gred C dan C atau Gred B dan D atau Gred A dan E; ATAU
- (c) Lulus sekurang-kurangnya 2 matapelajaran atas Gred E dan 2 matapelajaran atas Gred R serta lulus Kertas Am dalam satu peperiksaan STPM;ATAU
- (d) Lulus sekurang-kurangnya 4 matapelajaran yang berlainan atas Gred E

dan lulus kertas Am dalam peperiksaan STPM yang dikumpulkan dalam 2 peperiksaan dalam tempoh 3 tahun berturut-turut.

Pemohon-pemohon yang tidak memiliki salah satu daripada kelulusan di atas adalah tidak layak dipertimbangkan untuk maksud lantikan ke jawatan-jawatan yang mensyaratkan kelulusan STP/HSC atau kelayakan-kelayakan yang dfiktiraf setaraf dengannya oleh Kerajaan sebelum ini.

4. Sukacita juga dimaklumkan bahawa kelayakan Sijil Penuh STP/HSC atau kelayakan yang diiktiraf setaraf dengannya oleh Kerajaan masih lagi diiktiraf bagi maksud perlantikan ke jawatan Kumpulan B dalam Perkhidmatan Awam.

"BERKHIDMAT UNTUK NEGARA"

Saya yang menurut perintah,

(NIK MUSA BIN HAJI NIK ABDULLAH)  
*Bahagian Perjawatan,  
b.p. Ketua Pengarah Perkhidmatan Awam,  
Malaysia*

29hb Mac, 1983

Semua Ketua Setiausaha Kementerian

Semua Ketua Jabatan Persekutuan

Semua Y.B. Setiausaha Kerajaan Negeri

Setiausaha,  
Suruhanjaya Perkhidmatan Awam,  
Jalan Cenderasari,  
Kuala Lumpur

Setiausaha,  
Suruhanjaya Perkhidmatan Pelajaran,  
Jalan Cenderawasih,

Kuala Lumpur

Setiausaha,  
Suruhanjaya Polis Di-Raja Malaysia,  
Jalan Dato' Onn,  
Kuala Lumpur

Urusetia,  
Suruhanjaya Perkhidmatan Awam Persekutuan,  
Cawangan Sabah,

Tingkat 1, Bangunan Natikar,  
Jalan Padang,  
Kota Kinabalu,  
Sabah

Urusetia,  
Suruhanjaya Perkhidmatan Awam Persekutuan,  
Cawangan Sarawak,  
Tingkat 4, Bangunan Tun Datu'Patinggi Tuanku. Haji Bujang,  
Simpang 3,  
Kuching,  
Sarawak

Semua Pihak Pengurusan Badan-badan Berkanun

Semua Pihak Pengurusan Kuasa-kuasa Tempatan

S.k. Pegawai Perjawatan Persekutuan,  
Kuching, Sarawak

Pegawai Perjawatan Persekutuan,  
Kota Kinabalu, Sabah

---

Jabatan Perkhidmatan Awam, Malaysia,  
Tingkat 9-14 & 16, Bangunan UMBC, Jalan Sulaiman, Kuala Lumpur 01-33  
Telefon: 208144 Alamat Telegraf "Festoff Kuala Lumpur"